

Beinah, Beinah (hätt ich se jebütz)

Text und Melodie: Paveier

Homepage: www.paveier.de

Dat Marleen hät dicke Brüstche
Dat Marleen hät tolle Been
Doch wenn ich em ens dran föle
Dann sät et immer nein
Dat Marleen dat hät e Föttche
Dat Marleen is stets jot drup
Ich kann naachs nimmi schlofe
Gän het ich se ens je....

Refrain:

**Beinah beinah beinah
Beinah hät ich se jebütz
Äver leider kom der Rainer
Un dä hät dat Ding jeritz
Wat hät dä wat ich nit han
Wat wills de bloß mit su nem Mann
Mädche loß mich nit so ston
Mädche loß de Käl doch jon**

Dat Marie hät jet om Konto
Dat Marie hät jet im Kopp
Et lööt mich nit dran rüche
Sät jank du beß beklopp
Dat Marie hät schöne Auge
Die Fijur is wirklich top
Ich muss immer an et denke
Jän het ich se ens je...

-Refrain-

Bin Fahrer bei der KVB
Ming Mam meint ich wör janz OK
Ich kann bal nimmi drüver laache
Sach mann wat soll ich denn bloß maache

-Refrain-

Doch dat Rita hät e Fötche
Su wie e Sesterpäd
Da kannst nix mie sage
Wenn die de Schnüss upmät
Dat Rita hät zwei Zentner

Dat mät mich fas beklopp
Et löt mich naachs nimmi schloofe
Jän het se mich je...

Beinah beinah beinah
Beinah hät se mich jebütz
Sach wo bliev dann bloß der Rainer
Dä dat Ding sons immer ritz

Wat han ich wat dä nit hät
Denn der Rainer dä is net
Mädche loß mich leever ston
Mädche loß mich endlich jon

Wat han ich wat dä nit hät
Denn der Rainer dä is net
Mädche loß mich leever ston
Mädche loß mich endlich jon